



Menningarstefna Dalvíkurbyggðar

Inngangur

Menningarstefna bæjarstjórnar Dalvíkurbyggðar er staðfesting og viðurkenning bæjarstjórnar á mikilvægi og gildi menningarlífs í sveitarfélaginu.

Bæjarstjórn Dalvíkurbyggðar vill stuðla að öflugu og frjóu lista- og menningarlífi í Dalvíkurbyggð í samstarfi við aðra opinbera aðila, frjáls félagasamtök og einstaklinga. Menning og listir auðga líf einstaklinganna og hafa mikla þýðingu fyrir velferð þeirra og samfélagsins í heild. Markmið menningarstefnu Dalvíkurbyggðar er að skapa sem best skilyrði fyrir varðveislu, ræktun og miðlun hins sameiginlega menningararfs okkar og tryggja eftir föngum að allir geti notið menningarlífs. Ennfremur að búa í haginn fyrir skapandi, lifandi listastarfsemi og stuðla að þátttöku íbúanna á því sviði.

Bæjarstjórn Dalvíkurbyggðar leggur áherslu á að öflugt menningarlíf er ein frumforsenda þess að landsbyggðin geti haldið sínum hlut í þeirri óhjákvæmlegu samkeppni sem ríkir milli landsvæða um fólk og fyrirtæki. Bæjarstjórn Dalvíkurbyggðar vill að þær lista- og menningarstofnanir sem Dalvíkurbyggð rekur eða á aðild að tengist samfélaginu á eins frjóan og fjölbreytilegan hátt og unnt er og setji sér það markmið að starfsemi þeirra nái til sem flestra. Mikilvægt er að menningarstofnanir auki samstarf og samráð sín á milli til þess að gera þessi markmið að veruleika. Stuðla ber að sem bestu samstarfi við aðrar lista- og menningarstofnanir og sérstaklega er þá mikilvægt að efla tengsl við nágrannasveitarfélög Dalvíkurbyggðar á menningarsviðinu til hagsbóta fyrir íbúa svæðisins.

Bæjarstjórn Dalvíkurbyggðar vill að þær lista- og menningarstofnanir sem Dalvíkurbyggð rekur eða á aðild að njóti eins mikils sjálfstæðis í störfum sínum og kostur er innan þeirra starfsáætlana og fjárhagsramma sem þeim er settur hverju sinni.

Stefna

Bæjarstjórn Dalvíkurbyggðar hefur á stefnuskrá að:

- *Efla menningarstarf í sveitarfélaginu, hlúa að því sem fyrir er og skapa forsendur fyrir nýsköpun á sviði menningarmála.*
- *Efla vitund íbúa byggðarinnar sem og annarra fyrir menningararfi okkar og menningarlegum sérkennum.*



- *Stuðla að sem fjölbreyttustu framboði á listviðburðum og menningarstarfi hvers konar sem geri Dalvíkurbyggð að betri og fýsilegri stað til að búa á.*
- *Stuðla að og efla menningartengda ferðamennsku.*
- *Styðja við bakið á hinum ýmsu menningarfélögum með beinum og óbeinum hætti.*
- *Stefna að því eftir því sem við verður komið og í samræmi við skólustefnu sveitarfélagsins hverju sinni að kennsla listgreina verði efla.*

Meginmarkmið

Í samræmi við menningarstefnu bæjarstjórnar Dalvíkurbyggðar ber að vinna að eftirfarandi meginmarkmiðum:

Bókasafn

Bókasafnið verði áfram eflt sem alhliða uppýsingamiðstöð. Aðgangur að gögnum og safnakosti verði eflur, meðal annars með skráningu..

Héraðsskjalasafnið

Safnið verði gert aðgengilegt fyrir almenning, grúskara og fræðimenn og aðstaða verði til sýninga á skjölum, ljósmyndum og munum þess.

Haldið verður áfram kerfisbundinni söfnun á skjölum, ljósmyndum, kvikmyndum, tónlistar- og myndbandsupptökum og öðru efni sem kann að hafa varðveislugildi fyrir byggðalagið og íbúa þess.

Byggðasafnið Hvoll

Safnkostur verði áfram flokkaður og skráningu haldið áfram samkvæmt stöðluðu kerfi.

Unnið verði áfram að forvörslumálum og geymsla og varðveisla muna tryggð.

Fengnir verði heim í hérað munir sem tengjast sveitarfélaginu frá Minjasafninu á Akureyri og víðar að og settar upp sýningar á þeim.



Unnið verði eftir söfnunarstefnu safnsins.

Sögulegar minjar

Unnið verði að í framhaldi af fornleifaskráningu í sveitarfélaginu varðveislu, merkingu og kynningu á fornminjum, sögustöðum og öðrum sögulegum minjum í því skyni að gera söguna sýninlega heimamönnum og ferðafólki.

Hugað verði að varðveislu gamalla bygginga í sveitarfélaginu og sett fram áætlun um húsfriðun og varðveislu mannvirkja.

Menningarhúsið Berg

Sveitarfélagið styrkir rekstur menningarfélagsins Bergs skv. samningum þar um.

Tónlist

Áhersla verði lögð á að styðja við bakið á því blómlega tónlistarlífi sem Dalvíkurbyggð státar af.

Kórar og tónlistarhópar í Dalvíkurbyggð njóti stuðnings sveitarfélagsins eins og kostur er.

Sveitarfélagið reki áfram tónlistarskóla þar sem börnum og fullorðnum verði boðið upp á tækifæri til menntunar á sem flestum sviðum tónlistar, innan starfs- og fjárhagsáætlunar Tónlistarskóla Dalvíkur hverju sinni.

Sveitarfélagið styðji starfsemi Sinfóníuhljómsveitar Norðurlands og tryggi með því í samvinnu við fleiri aðila á svæðinu að hljómsveitin haldi hér árlega tónleika og heimsæki skóla Dalvíkurbyggðar.

Leiklist

Sveitarfélagið styðji við bakið á starfsemi Leikfélags Dalvíkur og við aðrar leiklistarupptækur heimamanna.

Áfram verði unnið að viðhaldi og endurbótum á Ungó, innan starfs- og fjárhagsáætlunar Eignasjóðs hverju sinni.

Myndlist, aðrar listgreinar



Sveitarfélagið styðji við bakið á listamönnum eins og kostur er.

Sveitarfélagið stefni að því að sett verði upp útilistaverk við opinberar byggingar eða á öðrum stöðum þar sem almenningi gefst kostur á að njóta þeirra.

Listamenn og handverksfólk hafi áfram aðgang og afnot að vinnuaðstöðu í Listaselinu, Sigtúni.

- **Menningar- og viðurkenningarsjóður:**

Menningarráð skal úthluta styrkjum af framlagi til menningarmála samkvæmt samþykktum „Vinnureglum Menningarráðs“ um úthlutun styrkja til af framlagi til menningarmála.

- **Endurskoðun:**

Menningarráð skal ár hvert endurskoða menningarstefnu Dalvíkurbyggðar.

Endurskoðuð í Menningarráði þann 5. febrúar 2010

Staðfest í bæjarstjórn Dalvíkurbyggðar þann 16. febrúar 2010